

կազմող հավելվածներով սահմանված տեխնիկական բնութագրերը չեն համապատասխանում ՀՀ կառավարության 2005թ.-ի օգոստոսի 18-ի № 2085-Ն որոշմամբ ամրագրված Տեսուչի ամառային և ձմեռային համազգեստների նկարագրերին:

- 33.** 2017-2018թթ. տեսչական մարմնի կողմից կատարվել է **9,597.96** հազ. դրամի հանդերձանքի գնման անարդյունավետ ծախս:
- 34.** Տեսչական մարմնինը չի իրականացրել «Բնապահպանական վերահսկողության մասին» ՀՀ օրենքի 12-րդ հոդվածի 1-ին մասի է) կետի և 13-րդ հոդվածի 1-ին մասի ե) կետի դրույթները, այն է՝ Տեսուչի կողմից չեն իրականացվում առգրավված բնական ռեսուրսների, որսի, որսագործիքների և որսի գործիք համարվող այլ միջոցների՝ օրենքով և իրավական այլ ակտերով սահմանված տնօրինման կարգի պահանջները:
- 35.** Տեսչական մարմնի կողմից չեն իրականացվել Կարգի 2-րդ կետի պահանջները, այն է՝
- փչացող առգրավված կենսառեսուրսներն անհատույց չեն հանձնվել տվյալ մարզի կամ համայնքի (կամ հարակից մարզի կամ համայնքի) մանկատներին, ծերանոցներին, թանգարաններին,
 - փչացող առգրավված կենսառեսուրսները, օրենքին չհամապատասխանող կարգով, որոշ դեպքերում հանձնվել են մանկապարտեզների, տուն ինտերնատների, հիվանդանոցների,
 - փչացող առգրավված կենսառեսուրսները հաստատություններին հանձնելու ժամանակ Տեսչական մարմնի տարածքային ստորաբաժանման և ընդունող կազմակերպության ղեկավարների միջև չեն կազմվել հանձնման-ընդունման արձանագրություններ,
 - փչացող առգրավված կենսառեսուրսները հաստատություններին հանձնվել են առանց անասնաբուժասանիտարական փորձաքննության եզրակացության:
- 36.** Տեսչական մարմնի կողմից շատ դեպքերում թույլ են տրվել անհամապատասխանություններ Կարգի 3-րդ կետի պահանջների հետ, այն է՝ չի տեսագրվել Տեսչական մարմնի տարածքային ստորաբաժանման Տեսուչների կողմից առգրավված կենդանի վայրի կենդանիներ ազատ արձակելու պահը և չի կազմվել արձանագրություն:
- 37.** Տեսչական մարմնի կողմից թույլ են տրվել անհամապատասխանություններ Կարգի 4-րդ կետի պահանջների հետ, այն է՝ առգրավված թփերի ու խոտաբույսերի ոչնչացման համար չեն կազմվել հանձնաժողովներ, չի կազմվել արձանագրություն և չի տեսագրվել ոչնչացման պահը:
- 38.** Տեսչական մարմնի կողմից թույլ են տրվել անհամապատասխանություններ Կարգի 7-րդ կետի պահանջների հետ, այն է՝ գրանցամատյանում բացակայում է առգրավված բնական ռեսուրսները արձանագրված խախտման հետ համադրելու համար անհրաժեշտ տեղեկատվությունը, իսկ գրանցամատյանները վարվում են թերի:
- 39.** Տեսչական մարմնինը հետամուտ չի եղել ստուգման ժամանակ հայտնաբերված և առգրավված ապօրինի ձեռք բերված բնական ռեսուրսների իրացումից կամ դրանց նկատմամբ կիրառված պատժամիջոցներից առաջացած գումարները ՀՀ պետական բյուջե մուտքագրմանը, ինչը չի համապատասխանում «Բնապահպանական վերահսկողության մասին» ՀՀ օրենքի 30-րդ հոդվածի 6-րդ մասի դրույթների պահանջներին:
- 40.** Տեսչական մարմնինը չի կատարել Կանոնադրության 12-րդ կետի 6-րդ ենթակետով սահմանված կարգով իր իրավասությանը վերաբերող իրավական ակտերի նախագծեր, դրանցում փոփոխություններ և լրացումներ մշակելու և համապատասխան մարմիններին ներկայացնելու իր

գործառույթը, այն է՝ ՀՀ կառավարության 2005 թվականի սեպտեմբերի 22-ի «Ստուգման ժամանակ հայտնաբերված և առգրավված ապօրինի ձեռք բերված բնական ռեսուրսների (ներառյալ՝ որսի) տնօրինման կարգը հաստատելու մասին» № 2168-Ն որոշման մեջ անհրաժեշտ է իրականացնել փոփոխություններ և սահմանել, որ ապօրինի ձեռք բերված բնական ռեսուրսներ կարող են հայտնաբերվել և առգրավվել նաև վարչական վարույթի շրջանակներում:

41. Տեսչական մարմնի անհետևողականության արդյունքում, համապատասխան մարմիններին (ՀՀ գլխավոր դատախազություն, ԴԱՀԿ և այլն) գրություններով հարցումներ չներկայացնելու հետևանքով վերահսկողությունից դուրս է մնացել պետական բյուջե վնասի հատուցման գումարների մուտքագրման հետագա ընթացքի վերաբերյալ տեղեկատվությունը:
42. 2017թ-ից 2018թ-ի սեպտեմբերի 30-ն ընկած ժամանակահատվածում պետական բյուջե վնասի հատուցման շուրջ **3,137,012.6** հազ.դրամ գումարից մուտքագրվել է **168,406.2** հազ.դրամ գումար:
43. Տեսչական մարմինը պատշաճ չի իրականացրել տնտեսավարող սուբյեկտներին իրազեկելու գործառույթը՝ ինչը չի համապատասխանում «Տեսչական մարմինների մասին» ՀՀ օրենքի 6-րդ հոդվածի 1-ին մասի 5-րդ կետի և Կանոնադրության 12-րդ կետի 7-րդ ենթակետի դրույթների պահանջներին:
44. Ոչ պատշաճ իրազեկման արդյունքում տնտեսավարող սուբյեկտների կողմից չի կատարվել ՀՀ կառավարության 2017թ. հոկտեմբերի 5-ի № 1291-Ն որոշմամբ հաստատված բնապահպանական հարկի և բնօգտագործման վճարների միասնական հարկային հաշվարկի ներկայացման կարգի 5-րդ կետի պահանջը, այն է՝ միասնական հարկային հաշվարկի հավելվածը հիմնականում չի ներկայացվել բնապահպանության և ընդերքի տեսչական մարմնի հաստատմանը:
45. Թերկոմպլեկտավորված և չստուգաչափված սարքերը և սարքավորումները կասկածի տակ են դնում հետազոտությունների արդյունքների արժանահավատությունը:
46. «Չափումների միասնականության ապահովման մասին» ՀՀ օրենքի 16-րդ հոդվածի 10-րդ մասի համաձայն օրենսդրական չափագիտական հսկողության ենթակա չստուգաչափված չափման միջոցների շահագործումն արգելվում է:
47. Տեսչական մարմնի կողմից պատշաճ չի ապահովվել վիճակագրական տվյալների հավաքման և վերլուծությունների, ոլորտում գործող տնտեսավարող սուբյեկտների ռիսկերի գնահատման աշխատանքների իրականացումը և վերահսկողական ու հսկողական գործառույթների նպատակադրումը դեպի առավել ռիսկային ոլորտներն ու տնտեսավարող սուբյեկտները՝ ինչը չի համապատասխանում «Տեսչական մարմինների մասին» ՀՀ օրենքի 6-րդ հոդվածի 1-ին մասի 6-րդ կետի, Կանոնադրության 12-րդ կետի 8-րդ ենթակետի և «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 2.1 հոդվածի 1-ին մասի և 2-րդ մասի 1-ին կետի դրույթների պահանջներին:
48. Տեսչական մարմինը չունի ռիսկերի վրա հիմնված ստուգումների մեթոդաբանություն:
49. Ոլորտում ռիսկերի գնահատման մեթոդաբանության բացակայությամբ գործող տնտեսավարող սուբյեկտների ռիսկերի գնահատման աշխատանքներում ցուցաբերվել է կամայական մոտեցում:
50. Տեսչական մարմնի կողմից հայտնաբերված շարժական գույքը՝ ձկներն ու խեցգետինը, տիրազուրկ է ճանաչվել օրենքին չհամապատասխանող կերպով:

51. Տեսչական մարմնի Գեղարքունիքի մարզի տարածքային բաժնի կողմից ձկների և խեցգետնի մասին տրամադրված տեղեկատվությունը չի համապատասխանում բնական ռեսուրսների գրանցամատյանում լրացված տեղեկատվության հետ:
52. Տեսչական մարմնի կողմից չի իրականացվել Կանոնադրության 11-րդ կետի 5-րդ ենթակետի բ) պարբերության դրույթները, այն է՝ չեն կիրառվել պատասխանատվության միջոցներ վայրի կենդանական և բուսական աշխարհի օբյեկտների՝ ՀՀ-ից արտահանման, ՀՀ դրանց ներմուծման սահմանված պահանջների պահպանման նկատմամբ:
53. Տեսչական մարմինը 2018թ. ապրիլի 9-ից պետք է ունենար ներքին աուդիտի համակարգ, որը մինչ օրս առկա չէ:

ՀՀ առողջապահական և աշխարհային տեսչական մարմին

54. Տեսչական մարմինն ամբողջությամբ չի ձևավորվել ՀՀ կառավարության 2017թ. ապրիլի 27-ի N 444-Ն որոշման 3-րդ կետով սահմանված քառամսյա ժամկետում:
55. Տեսչական մարմինը 2017-2018թթ. համար չի ունեցել գործունեության տարեկան ծրագրեր:
56. Տեսչական մարմինը 2017թ.-ին պետական բյուջե գումար չի մուտքագրել:
57. Տեսչական մարմինը 2018թ. ապրիլ ամսից իր հաշվապահական հաշվառումը, գնումների կազմակերպումը և անձնակազմի կառավարումը իրականացրել է ՀՀ առողջապահության նախարարության միջոցով, որը չի համապատասխանում «Տեսչական մարմինների մասին» ՀՀ օրենքի 18-րդ հոդվածի պահանջներին:
58. Տեսչական մարմնի կողմից 2017-2018թթ.. ստուգումներ չեն իրականացվել ստուգումների տարեկան ծրագրեր, ստուգումների մեթոդաբանություն և ստուգաթերթեր չունենալու պատճառով:
59. Տեսչական մարմինը ՀՀ կառավարության 27.04.2017 թ. N 444-Ն որոշման 3-րդ կետով սահմանված քառամսյա ժամկետում չի իրականացրել մարմնի ձևավորման համար անհրաժեշտ գործառույթները, այն է՝ չի մշակել տեսչական մարմնի գործունեության և իրականացվող ստուգումների տարեկան ծրագրերը, ռիսկերի վրա հիմնված մեթոդաբանություն, ստուգաթերթեր, իրավական ակտերում չեն կատարվել համապատասխան փոփոխություններ և այլն:
60. Տեսչական մարմինը չի ապահովել ՀՀ կառավարության 27.04.2017թ. N 444-Ն որոշման 8-րդ կետով սահմանված լուծարված պետական տեսչությունների կողմից սկսված և չավարտված վարչական, դատական և այլ գործառույթների իրականացման հետագա ընթացքը և չի իրականացրել ՀՀ առողջապահության նախարարության աշխատակազմի առողջապահական պետական տեսչության ստուգումների տարեկան ծրագրով նախատեսված թվով 950 տնտեսվարող սուբյեկտների մոտ ստուգումները:
61. Տեսչական մարմինը չի իրականացրել ՀՀ կառավարության 2015թ.-ի հուլիսի 30-ի N 839-Ա որոշման 1-ին կետի 6-րդ ենթակետով սահմանված այդ որոշման հավելվածով հատատված ստուգումների տարեկան ծրագրում ընդգրկված և բարձր ռիսկային խմբում գտնվող սուբյեկտների մոտ ստուգումները՝ թիվ 26 (հանրակրթական դպրոցների) և 27 (նախադպրոցական կազմակերպությունների) ստուգաթերթերով:
62. Տեսչական մարմնի կողմից 2017թ. -ին վարչական վարույթ չի իրականացվել: